

Tukihianaqtut Uqauhiuyut Naitumik (Kavlunaatut, Inuktitut, Inuinaqtut, French-titulu)

Una tunihijut uqautauyuq aalaguktiriyutinik TMAC-kunin (TMAC) piyumayut Kapihiliktumi Uyaraktaqvikhami (uyaraktaqvik). Ikayutauyumik aalaguqtiriyutinut, tunihijut ilaqaqtuq itqaumayakhanik titirauyaqhimayuniklu nainairutauvaalirutinik aalaguqniginik uqatiaqhutiklu aalaguqnigin agiyumik ihuitunik aktuqniqalimainiganik. Taja Nunavumi Avatiliqiyit Katimayit (NIRB) Havaamik Naunaipkuta No. 003 (Havaam Naunaipkuta) Nunavumilu Imaliqiyin Katimayin (NWB) Qanuriniga A Imaqmik Aturiagani Laisiuyuq No. 2AM-DOH1323-guyuq (Qanuriniga A Imaqmik Aturiagani Laisiuyuq) nutaaguktiqtauyariaqaqtuq pipkariagani TMAC-kut hivumuliriagani atuqlugit aalagurutin.

Uyaraktaqvikmi aalaguktikluaqngin ukuaguyut:

- o TMAC-kut uyaraktaqvigiyumayaat tamaat Doris-mi Uyaraktaaqhat ilaqaqtunik tamainik uyaraktaakhaqaqtut amuyaulaqtut taja Kapihiliktumi Uyagaktaqvikmi Paaganin. Miramar-kut uqaraluaqmata uyaraktariamikni Doris North-mi talvutuaq uvuna Doris North-mi Uyaraktaqvium Paagagun malrukni ukiukni. TMAC-kut nalvaqhimaliqmata uyaraktaakhanik amuyaulaqtunik Doris North-mi Uyaraktaqvium Paaganin, taluvna nahuriyut ilavaaliriagani hitamanik ukiunik tamaini Doris-mi uyaraktaqvium aulaniganik. Ikayuriagani akituniga iglukpait aulanigalu uyaraktaqvium, TMAC-kut uyaraktariaqaqtut hivitutqiyamik, siksini ukiuni. Una aalaguqniga ilavaalirutauniaqtuq ikayutinik Uyaraktaqvikmin hivitutqiyamik Inuinaqnun, Nunavumut, Kanatamulu.
- o Hivuani uyaraktaqniyum uyaqijutulu aulanigin qanituaniinaqtut 1-tausit tansnik uqumaitilaaganik ublutuaraagat (tpd). TMAC-kut piyumayut agiklivaaliriagani uyaraktauhitqik qanituani 2-tausit tansnik ublutuaraagat havauhiqmikni. Ukua aginigit ublutuaraagat ajikiiknigin. Taya imaqmik aturiagani laisiuyuq agiqhimayuq uyaraktariagani 720-tansnik ublutuaraagat uyaraktaaqhanik uyaqijutuniklu 800-tansnik ublutuaraagat.
- o Doris-mi Uyaraktaakhaq atakmat hivuraanut avalulihugulu Doris Kitiga, Doris-milu Ilaliutiyun Nunan, natqaniit Doris Tattim, TMAC-kut nahuriyut nunamin imaqaqngainik uyaractalirumi. Ilituqhaigamik taqyukniarunaqhiyuq. Una imaq katitigauniaquq tuqhuakuututaulunilu nutaakut Roberts Bay-mut, Doris Kuuganuugituq Miramar-kut hivuani aturumayaraluaganik. TMAC-kut katitiriyumayulu avatqujutinik imaknik ataguuqvikmin nunamin (TIA), akulugu taqyuknitumik imakmik nunam iluanigaaqtumik, kuuktilugulu, tuqhuakut, Roberts Bay-mulu. TMAC-kut ukpiruhuktut kuuktitiyagani uvuga Roberts Bay-mut naamatqiyauniaqmat avatiliqini-kut munariyutinut upalugaiyaut hivuliuyumin upalugaiyaunmit kuuktitiyaagani Doris Kuuganut. Immaq kuuktiriaqtinagu Roberts Bay-mut, TMAC-kun ilituqhainiaqt ihuilijutaugitaagani avatauyumik malitiaqlugilu tamaita maligakhat. TMAC-kut iliuriayumayut immaqmik halumaq-hiyutikhamik ataguuqvikmin kuuktiriaqtinagu taluvna hanayumagitut immaqmik ilituqhaivikhamik inigiyauyumi ila Miramar-kut hivuani piinariaqaqtagaluaganik kuuktitinahuaq-tilugit immaq halumaqtikhimaitumik.
- o
- o TMAC-kut taja nunamin imaqaqniaqturiyaat uyarakhiulirumik natqani Doris Tahiani. Uyarakhiuliqata, mikiyugaluq nunamin imaq kuulaqtuq Doris Tahianut, qumniinit uyaqat tattip natqani, uyaraktaqvikmut. Munariyaagani imaq uyaraktaqvikmi piyaulaqtuq himiktuqlu-git qupikniit uyaqat papiqlugulu imaq uyaraktaqvikmin. Doris-mi Tahiq imaiqtivyalaqtuq kitiru-

qat uyaraktaqvium havakviunigani, aalagurutaulaaqtimik qagugu qanuraaluqlu imaqmik kuukniaqmagaa Doris-mi Tatimin uvuga Little Roberts-mi Tahikmut uvuna Doris Kuuniagut. Una hanaugaq, ihariagiyaupat, imaqtapaalirutauniaqtuq Doris Lake-mi auyami ukiumilu naamaktumiklu kuuktijutauniaqtuq inminik upingaami.

- o Miramar-kut hivuani iliriyumayugaluit atakunik immam iluani uvani TIA-mi, taimaatut immaq aulagitaagani qaagani atakut uyaraktaqvik umikhimaliqat. TMAC-kut piyumahimaqtut ilihiyaa-mikni atakunik TIA-mut, ilagin atakut iliyaulutik iluani tattim ilagaluagani ilagilu atakut iliyaulutik nunamut haniani tattim ilagaluagani. Takagut, manimihimagitut kuviyaaqtuvaluknin, iliyauniaqtut avataani nutaam kuuriipkutim qitqani TIA-m. Imaq kuukniakuq atakunin uvuna kuuriipkutikut. Ima igluani kuuriipkutim, atakuuqviki, atuqtauniaqtuq uyaqanik hiquptirivikmi, halumaqtitauniluniit papiqtauniaqtuq Roberts Bay-mut. Atakut paniqniaqtut qaagilu hikuqaniaqtut imaqtitauniluniit hunamikliqaa atakut puyugugitaagani. Uyaraktaqvik umikpat, atakut kaaliqtauniaqtut uyaqanik, qiqiniaqtuqlu ataani uyaqam. Iliurianiqtut atakunik imatut pijutauniaqtuq atakuqviuvaaliriagani TIA-mi una uyaraktaqvik aulayaagani hivitutqiyamik.
- o Amiakut atakut, aktuqtauyut kuviyaqtunit atuqtauhimayun ahivaijutini kuulmik, halumaqtitauniatut iliyaulutiklu uyaraktaqviki hauhijutikhamik.
- o TMAC-kut ihariahukniaqtut agitqiyamik iliuravikhamik uyaraktaamik Miramar-kut aturumayagaluaganik ila agitqiyaq uyaraktaakhaq uyaraktaqtauniaqmat.
- o
- o TMAC-kut piyumayut agiklivaaliriagani igluqpaqavik inuqaqpaaliriagani havariaqaqtunik uyaraktaqviki ila TMAC-kut uyaraktaqniaqmata kayumitqiyamik uyaqiviklu hiquptiriniaqmat ukumaitqiyamik uyaraktaamik. Upalugaiyatirutin atutiaqnilu Inuit timiuyulu iniaqtut nunagiyauyuni, ikayuriagani havaanik havaariyaulaaqtunik ahiani igluqpaqavium, pijutigiyaan TMAC-kut igluqpaqaviat uyaraktaqviki mikiniqhauyaagani ayuqnaitpat.
- o

Aalat mikiyut aalaguqnigin atuqniaqtut Uyaraktaqviki, ilagilu mikiyut igluqpaqaviki aalaguqnigin mikiyulu aalaguqnigit taja imaqmik aturiagani laisiuyumi uqauhiq naunaitiariagani.